



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ
ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄՆԻ

1/ՓՄԲ/ՕԸ 1-1/7827 -20 ՂԵԿԱՎԱՐ

13.07.2020թ.

Ո Ր Ո Շ ՈՒ Մ S(20)200469

Վարչական տույժ նշանակելու մասին

ք. Երևան

«07» հուլիսի 2020թ.

Ես՝ Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի ղեկավար Գեղամ Շախբազյանս, ուսումնասիրելով 2020 թվականի հունիսի «18»-ին կազմված վերահսկողության արդյունքների ամփոփման թիվ S(20)200469 արձանագրությունը և վարչական վարույթի վերաբերյալ այլ նյութերը՝

ՊԱՐԶԵՑԻ

Նորիկ Եղիազարյանի կողմից 2020 թվականի հունիսի «18»-ին իրակացվել է կանոնավոր ուղևորափոխադրում մրցույթով չընտրված «Mercedes-Benz» մակնիշի 34 CP 014 համարանիշի տրանսպորտային միջոցով՝ Հրազդան-Հանքավան ուղղությամբ, այսինքն՝ Նորիկ Եղիազարյանը (հասցե՝ ՀՀ, Կոտայքի մարզ, ք. Հրազդան, կենտրոն թաղամաս 32 շ., բն. 106) խախտել է «Ավտոմոբիլային տրանսպորտի մասին» ՀՀ օրենքի 11-րդ հոդվածի 1-րդ մասի պահանջը՝ կատարելով Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 3-րդ մասով նախատեսված իրավախախտումը, այն է՝ Հայաստանի Հանրապետությունում ավտոմոբիլային տրանսպորտով կանոնավոր ուղևորափոխադրումների մրցույթով չընտրված կազմակերպությունների կամ անհատ ձեռնարկատիրոջ կամ ֆիզիկական անձանց կողմից կանոնավոր ուղևորափոխադրումներ իրականացնելը:

Վերոնշյալ իրավախախտման վերաբերյալ գործի քննությունը նշանակվել է 2020թ. հուլիսի 3-ին, ժամը՝ 11:00-ին, սակայն Նորիկ Եղիազարյանը պատշաճ ծանուցված լինելով գործի քննության տեղի և ժամի մասին չի ներկայացել գործի քննությանը, այլ ներկայացել է հուլիսի 6-ին, ժամը՝ 11:00-ին (քաղաքացի Վիգեն Մարկոսյանի ուղեկցությամբ):

Վերոնշյալ օրենսդրական պահանջների և չափորոշիչների հաշվառմամբ՝ վարչական վարույթի նյութերի հետազոտումից պարզվել է, որ իրավախախտման փաստը հաստատող բավարար ապացույցներ (2020 թվականի հունիսի «18»-ին կազմված վերահսկողության արդյունքների ամփոփման թիվ S(20)200469 արձանագրությունը, լուսանկարները և այլ

նյութեր) վարչական վարույթի նյութերում առկա են, որով և հիմնավորվել է նշված իրավախախտման փաստի առկայությունը:

Այսպիսով, վարչական վարույթի ընթացքում հետազոտված ապացույցներով հիմնավորվել է Նորիկ Եղիազարյանի կողմից կատարված իրավախախտման փաստը:

Վերոգրյալի հիման վրա և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 281-րդ հոդվածով, 282-րդ հոդվածի 1-ին կետով, 244¹³-րդ հոդվածով

ՈՐՈՇԵՑԻ

Նորիկ Եղիազարյանին Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 3-րդ մասի հատկանիշներով ենթարկել վարչական պատասխանատվության և նրա նկատմամբ նշանակել վարչական տույժ՝ տուգանք՝ 200.000 (երկու հարյուր հազար) ՀՀ դրամ գումարի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:

Տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Տուգանքի գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:

Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:



Recoverable Signature

X

Shakhbazyan Gegam

ԳԵՂԱՄ ՇԱԽԲԱԶՅԱՆ

Signed by: SHAKHBAZIAN GEGAM 2903870918

